

人物志二十九

湖北通志卷一百五十一

文學傳一目錄

宋玉

以上周

黃香

劉珍

王逸

子延壽

謝該

李昺

以上漢

孟嘉

弟陋

習鑿齒

子辟疆以上晉

嚴植之

柳惔

子昭

柳惔

子偃

張纘

弟綰

庾於陵

弟肩吾

劉之遴

子三達

韋稜

弟黯

朱詹

丁覲

王臺卿

以上梁

陰鏗

以上陳

宗懔

庾信

以上北周

柳晉

庾季才

子質以上隋

劉孝孫

蔡允恭

李善

子邕

杜易簡

杜審言

子閑

鮑防

柳識

志百五十一

人物二十九 目錄

一

孟浩然

綦母潛

岑參

張繼

戎昱

繁知一

皮日休

子光業 鄰孫榮 光

崔道融

以上唐

朱昂

弟協

孫何

弟僅 侑

崔遵度

夏侯嘉正

張友正

張嶠

米芾

子友仁

朱震

弟兌

王質

張景

張君房

張諤

令狐揆

史驥

鄭猶

朱元瑜

王得臣

弟鄰臣

唐旣

胡旦

張璠

潘鯁

弟丙 大觀

子大臨

廖正一

何頡之

孫賁

夏倪

高荷

石潏

曾紘

子思

吳必大

李義山

萬禎

張丰應

孫偉子蒙正
以上宋

趙復子卿月

暢師文

硯彌堅子禹功
謨

宣昭

魯璠

宋愿

邱堂

何維汪存禮等

何槐孫

黃溥

李鵬翔

金希說弟希舜
以上元

張誠

盧文政

劉績

馮世雍

任家相

賀時泰

朱華圀

周炳靈

劉敷仁

張鍾靈

周時舉

談必泰

程立中

李承芳

李承箕葉相

鄧林

李德庸

廖道南

魏裳子樸如

汪必東

志百五十一

人物二十九日錄

二

吳國倫

徐汝化

朱伯驥

朱寵

張緒

尹賓商

劉伯生劉紹郵

唐希皋

黃文旦

程學顏

方一鳳

胡天起

童承敘

陳柏子文燮

陳文燭子汝璧

王廷陳

王同軌從孫一鳴

吳良吉

易爲鼎

蔡曰涇

朱期至

黃正色子祥遠

金甌

劉承烈

周思久

劉侗

耿定向

耿定理弟定力

胡明庶弟明通

明顧問

顧闕子大訓
孫天錫

袁素亮

劉養微寇學海
大鼇 楊

吳自守

吳亮思

瞿九思子甲 罕

高鼎

萬言

楊汝榮

楊繼芳

萬之奇

何遷

萬中台

華清

余裕

陳善變

陳興 邦寶

興子

陳士元

子階

顏木

李維楨

王格

子宗彥

高岱

弟密

郝敬

子宏範

魯鐸

鍾惺

弟恮

快

譚元春

弟元聲等

邵濟

周夢陽

柳向陽

黃黠

兄照

胡永仁

胡謁聖等

周法

雷叔聞

歐陽明

袁弘道

兄宗道 中道

弟

尚校

劉珠

韓守益

王紘

秦維正

李先芳

雷思霈

劉懋之

以上明

人物志二十九

湖北通志卷一百五十一

文學傳一

周

宋玉楚之鄢人

案鄢地今屬宜城水經注宜城縣南有宋玉宅玉邑人

屈原弟子也因其友

以見於楚襄王王問曰先生其有遺行耶何士民不譽之甚也玉曰鳥有鳳魚有鯁士亦有之聖人瑰意奇行超然獨處世俗之民安能知臣之所為哉玉祖屈原之從容辭令終莫敢直諫作九辯招魂辯者變也陳道德以變說君也招魂者哀屈原愁懣山澤厥命將落外陳四方之惡內崇楚國之美以風諫懷王冀其悟而還之有賦十六篇

一統志新序史記屈原傳王逸楚辭注漢書藝文志案輿地紀勝於襄陽府歸州古迹

人物皆載有宋玉襄陽下則注宜城人歸州下則不復注其歸州之宅則玉本屈原弟子依其師而居事之所有不足疑也

漢

志百五十一

人物二十九 文學傳

一

黃香字文疆江夏安陸人九歲失母思慕憔悴鄉人稱其至孝年十二太守劉護召署門下孝子甚見愛敬父况為郡五官掾貧無奴僕香躬勤左右盡心供養暑則扇牀枕寒以身溫席博學經典精究道術能文章京師號曰天下無雙江夏黃童初除郎中肅宗詔香詣東觀讀所未見書以父老告休後召拜尚書郎賜其父臥几靈壽杖香數陳政事得失嘗獨止宿臺上晝夜不離省闈帝聞善之永元四年拜左丞累遷尚書令尋為東郡太守香上疏讓和帝亦惜香幹用久習舊事復畱為尚書令是後遂管樞機甚見親重香祇勤物務憂公如家十二年東平清河奏妖言卿仲遠等所連及且干人香科別據奏全活甚眾每郡國疑罪務求輕科愛惜人命每存憂濟又曉習邊事均量軍政皆得事宜帝知其精勤數加恩賚延光元年遷魏郡太守俗太守將交代添設儲峙輒數平

萬香未到界移敕悉出所設什器郡舊有內外園田常與人分種收穀歲數千斛香悉以賦人時被水年饑乃分祿賞班贍貧者於是富家各出義穀助官荒民獲全後坐水潦免卒於家子瓊自有傳後漢書文苑傳略參東觀記及謝承書

劉珍字秋孫案秋一作祕一名寶南陽蔡陽人今棗陽少好學永初中為

謁者僕射鄧太后詔使與校書劉駒駘馬融及五經博士校定東觀五經諸子傳記百家整齊脫誤是正文字永寧元年又詔珍與駒駘作建武以來名臣傳遷侍中越騎校尉延光四年拜宗正明年轉衛尉卒官著誄頌連珠凡七篇又著釋名三十篇以辯萬物之稱號云後漢書文苑傳

王逸字叔師南郡宜城人元初中舉上計吏為校書郎順帝時為侍中逸博學多覽自謂與屈原同土共國悼傷之於是作頌一篇

志百五十一

人物二十九 文學傳

二

號曰九思以繫離騷九章之後又著楚辭章句行於世其賦誄書論及雜文凡二十一篇漢詩一百二十三篇子延壽字文考一字子山有雋才與逸到泰山從鮑子真學算到魯逸欲作靈光殿賦命延壽往圖其狀延壽因賦之以獻逸曰吾無以加也蔡邕亦有此作十年未成見延壽所為甚奇之遂輟翰延壽常有異夢意惡之乃作夢賦以自厲後溺湘水死年二十一後漢書文苑傳略參楚辭章句博物志水

經注李善文選注

謝該字文儀南陽章陵人今棗陽善明春秋左氏為世名儒門徒數

百千人建安中河東人樂詳條左氏疑滯數十事以問該皆為通解之名為謝氏釋行於世仕為公車司馬令以父母老託疾去官欲歸鄉里會荊州道斷不得去少府孔融上書薦之徵還拜議郎以壽終後漢書儒林傳

李曷字子然鄆人

今穀城光化境

習魯詩京氏易篤行好學不羨榮祿室

家相待如賓州郡前後禮請不應舉茂才除召陵令不到官公車

徵不行卒

後漢書樊英傳注引謝承書

晉

孟嘉字萬年江夏鄆人也曾祖父宗仕吳葬武昌陽新縣子孫家

焉遂為縣人

今興國大治通山境

嘉冲默有遠量弱冠名流京邑大尉庾亮

鎮武昌并領江州辟為廬陵從事下郡還亮問風俗得失嘉對不

知亮語弟翼曰孟嘉故是盛德人更版為勸學從事亮大會州府

人士多時彥嘉坐次遠豫章太守褚裒有器識問嘉何在亮曰在

坐君但自覓裒歷觀指嘉謂曰得無是耶亮欣然而笑益器焉舉

秀才為庾翼府功曹再為江州別駕巴丘令後為大將軍桓温參

軍温甚重之九日遊龍山參佐畢集風吹嘉帽墮落温目左右及

志百五十一

人物二十九 文學傳

三

賓客勿言觀其舉止嘉初不自覺良久命取以還使孫盛為文嘲

之嘉見請筆作答了不容思文辭超卓四座嗟歎轉從事中郎遷

長史以疾終於家年五十一嘉弟陋字少孤清操絕倫布衣蔬食

以文籍自娛口不及世事喪母毀瘠殆於滅性不飲酒食肉十有

餘年親族謂之曰毀性無嗣更為不孝陋感其言然後從吉簡文

帝輔政命為參軍稱疾不起桓温躬往造焉或曰陋學為儒宗宜

引在府温歎曰會稽王尚不能屈非敢擬議也陋博學多通長於

三禮注論語行於世

陶淵明集

晉書桓温傳

又隱逸傳

案晉

鄂人其為誤刊顯然淵明敘嘉占籍之由至為明晰世說新語注以陋為陽新人更屬確證晉書陋傳云武昌人猶未為得也

習鑿齒字彥威襄陽人宗族富盛世為鄉豪鑿齒少有志氣博學

洽聞以文筆著稱荊州刺史桓温辟為從事轉西曹主簿累遷別

駕出為滎陽太守後以腳疾里居襄陽陷為苻堅所得俄以疾歸

襄鄧反正朝廷欲徵典國史會卒初桓温覬覦非望鑿齒在郡著漢晉春秋以裁正之起漢光武終晉愍帝於三國以蜀宗室爲正魏雖受漢禪晉尙爲篡逆至文帝平蜀乃爲漢亡晉興明天心不可以智力強用以諷温臨終謂晉宜越魏繼漢不應以魏後爲三恪上疏論之子辟疆才學有父風位至驃騎從事中郎

晉書文苑傳

梁

嚴植之字孝源建平秭歸人少善莊老能清言精解喪服孝經論語及長徧習鄭氏禮周易毛詩左氏春秋性醇孝謹厚不以所長高人少遭父憂因菜食二十三載後得風冷疾乃止仕齊爲廬陵王國侍郎遷廣漢王國右常侍後爲康樂侯相在縣清白民吏稱之梁高祖詔求通儒治五禮有司奏植之治凶禮天監四年置五經博士各開館教授以植之兼五經博士館在潮溝生徒常百數

志百五十一

人物二十九 文學傳

四

植之講五館生必至聽者千餘人遷中撫軍記室參軍猶兼博士卒年五十二植之仁慈好陰德雖在閤室未嘗怠撰凶禮儀注四百七十九卷

梁書儒林傳

柳惔字文通先世河東人徙居襄陽父世隆自有傳惔好學工製文曉音律少與兄悅齊名王儉謂人曰柳氏二龍可謂一日千里嘗預齊武烽火樓宴帝善其詩謂豫章王嶷曰惔非徒風韻清爽亦屬文適麗後爲巴東王子響友子響爲荊州惔從之鎮子響昵近小人惔知有禍稱疾還都及難作以免累遷新安太守建武末爲梁南秦二州刺史梁武起兵惔以漢中應梁武受命爲太子詹事加散騎常侍尋遷尙書左僕射湘州刺史卒年六十

梁書作諡四十六

曰穆子昭

一作照

襲爵曲江侯

南史

柳惔字文暢惔弟少有志行好學善尺牘與陳郡謝淪鄰居深見

友愛瀾曰宅南柳郎可爲儀表善琴得戴安道法特窮其妙齊竟陵王子良聞之引爲法曹參軍累遷太子洗馬試守鄱陽相除驃騎從事中郎梁武帝至建業以爲司馬上牋請城平之日先收圖籍遵漢高寬大之義帝從之天監元年除長史兼侍中與沈約等共訂新律暉立性貞素以貴公子早有令名嘗爲詩云亭皋木葉下隴首秋雲飛琅琊王融見而嗟賞武帝宴羣臣必詔暉賦詩和帝登景陽樓篇云太液滄波起長陽高樹秋翠華承漢遠雕輦逐風游帝甚美之當時咸共稱傳歷平越中郎將廣州刺史祕書監右衛將軍再爲吳興太守爲政清靜人吏懷之於郡感疾自陳解任父老千餘人拜表陳請事未施行卒少子偃字彥游年十二梁武帝引見問讀何書對曰尙書又問其何美句對曰德惟善政政在養民眾咸異之詔尙武帝女長平公主拜駙馬都尉位鄱陽內

史卒

南史

張纘字伯緒襄陽人弘策次子

弘策見列傳

好學兄緬有書萬餘卷晝

夜披讀殆不輟手起家祕書郎宋齊以來居職者例不數十日便遷任纘固求不徙欲徧觀閣內書籍常執四部書目曰若讀此畢可言優仕矣三載方遷太子舍人轉洗馬中舍人並掌管記累遷尙書吏部郎長兼侍中大通中爲吳興太守省煩苛務清靜入吏便之大同二年徵爲吏部尙書議南郊御乘素輦又卽綬官若備朝服宜並著綬時並施行改湘州刺史在政四年流人自歸戶口增十餘萬州境大寧太清二年徙授領軍俄改雍州刺史後爲岳陽王詵所殺纘弟綰字季卿少與兄纘齊名湘東王繹嘗策之百事綰對闕其六號爲百六公位員外散騎常侍宣城王長史遷御史中丞出爲豫章內史復爲御史中丞綰再爲憲司彈糾無所回

避豪右憚之太清三年爲吏部尙書宮城陷奔江陵元帝承制位尙書右僕射魏克江陵朝士皆俘入關綰以疾免卒於江陵

南史

庾於陵字子介江陵人父易孝義有傳於陵七歲能言玄理旣長清警博學有才思齊隨王子隆鎮荊州召爲主簿與謝朓宗夬抄撰羣書後子隆爲明帝所害僚吏畏避莫至唯於陵與夬畱經喪事始安王遙光爲撫軍引爲行參軍兼記室永元末除東陽遂安令爲民吏所稱天監初爲建康獄平遷尙書工部郎待詔文德殿拜太子洗馬俄遷散騎侍郎領荊州大中正後終鴻臚卿有文集十卷弟肩吾字子慎八歲能賦詩特爲兄所友愛初爲晉安王常侍歷王府中郎兼記室參軍中大通三年王爲皇太子兼東宮通事舍人以本官領荊州大中正初太宗在藩雅好文章士時肩吾與東海徐摛吳郡陸杲彭城劉遵劉孝儀儀弟孝威同被賞接及

志百五十一

人物二十九 文學傳

六

居東宮又開文德省置學士肩吾及子信兼充其選太宗卽位以肩吾爲度支尙書侯景陷京師矯詔遣肩吾諭當陽公大心因逃入建昌界久之還江陵卒文集行於世

梁書文苑傳

劉之遴字思貞其先南陽人父虬徙居江陵仕宋當陽令之遴八歲能屬文十五舉茂才明經對策沈約任昉見而異之起家甯朔主簿吏部尙書王瞻嘗候昉值之遴在坐昉曰此南陽劉之遴學優未仕瞻卽辟爲太學博士時張稷新除僕射託昉爲讓表昉令之遴代作操筆立成昉曰荆南秀氣果有異才御史中丞樂藹卽之遴舅憲臺彈奏皆令之遴草焉遷平南參軍尙書郎延陵令荊州治中仍遷宣惠記室除通直散騎侍郎兼中書通事舍人遷正員郎尙書右丞荊州大中正累遷中書侍郎鴻臚卿復兼中書舍人出爲鄱陽王長史南郡太守高祖詔曰卿母年德並高故令卿

衣錦還鄉以盡榮養母憂服闋徵祕書監領步兵校尉出爲郢州
行事尋免久之爲太府卿都官尚書太常卿之遴好古愛奇在荆
州聚古器數十百種好屬文多學古體與裴子野劉顯常其討論
書籍時周易尚書禮記毛詩並有高祖義疏惟左氏傳尙缺之遴
乃著春秋大意十科左氏十科三傳同異十科合三十事以上之
高祖大悅太清二年侯景之亂避難還鄉未至卒於夏口年七十
二有文集五十卷子三達字三善數歲能屬文湘東王繹聞之集
賓客召而試之說義屬詩皆有理致年十二聽江陵令賀革講禮
還仍覆述不遺一句年十八卒

梁書文學傳參南史

韋稜字威直江陵人護軍叡第三子性恬素以書史爲業博物彊
記當世士咸就質疑位終光祿卿著漢書續訓三卷弟黯字務直
性彊正少習經史位太府卿侯景濟江黯都督城西諸軍晝夜苦

志百五十一

人物二十九 文學傳

七

戰以功授輕車將軍卒於城內

南史韋叡傳

朱詹義陽人世居江陵好學家貧無資累日不爨乃時吞紙以實
腹寒無氈被抱犬而臥猶不廢業卒成學士官至鎮南錄事爲孝

元所禮

顏氏家訓

丁覘荆州之洪亭人善屬文工草隸梁孝元帝在荆州時書記一
皆使之軍府多未之重帝遣典籤惠編送文章示蕭祭酒祭酒問
君王比賜書翰及寫詩筆殊爲佳手姓名爲誰編以實告子雲歎
曰此人後生無比遂不爲世所稱亦是奇事於是聞者稍復刮目
仕至尙書儀曹郎晉安王侍讀隨王東下及西臺陷沒丁亦尋卒
於揚州前所輕者後求一紙不可得

顏氏家訓

王臺卿襄陽人與江仲舉蔡遵庾仲容俱爲齊南平王世子恪賓
客寵被接遇入梁詩多與簡文唱和

楚風補案初學記有王臺卿詠箏詩

陳

陰鏗字子堅南平人父子春有傳鏗尤善五言詩被當時所重爲梁湘東王法曹參軍初鏗嘗與賓友宴飲見行觴者因回酒炙以授之眾坐皆笑鏗曰吾儕終日酣酒而執爵者不知其味非人情也及侯景之亂鏗爲賊擒或救之獲免鏗問之乃前行觴者陳天嘉中爲始興王中錄事參軍文帝嘗宴羣臣賦詩召鏗預宴使賦新成安樂宮鏗援筆便就帝歎賞之累遷晉陵太守員外散騎常侍卒有文集三卷行於世

南史

北周

宗懷字元懷其先南陽人八世祖承永嘉之亂討陳敏有功封柴桑侯除宜都郡守卒官子孫因居江陵懷少好讀書晝夜不倦語輒引古事鄉里呼爲小兒學士梁普通六年舉秀才元帝鎮荊州

志百五十一

人物二十九 文學傳

八

謂長史劉之遴曰貴鄉多士爲舉一有意少年之遴以懷應命卽日引見令兼記室嘗夕被詔宿省使製龍川廟碑一夜便就元帝歎美之及移鎮江州以懷爲刑獄參軍兼掌書記歷汝寧建成廣晉三縣令母憂去職哭輒嘔血一旬之內絕而復蘇者三每有羣烏數千集於廬舍侯哭而來哭止而去時以爲孝感所致元帝再牧荊州以爲別駕江陵令及卽位擢尙書侍郎封信安縣侯累遷吏部尙書江陵陷與王褒等入關周太祖以懷名重南土甚禮之孝閔踐阼拜車駟大將軍世宗卽位與王褒等在麟趾殿刊定羣書保定中卒有集二十卷

北周書

庾信字子山肩吾子也

肩吾傳見前

幼而俊邁博覽羣書尤善春秋左

氏傳起家湘東國常侍轉參軍時肩吾爲梁太子中庶子東海徐摛爲左衛率摛子陵及信爲抄撰學士父子在東宮出入禁闈恩

禮莫比既有盛才文並綺豔世號徐庾體後進競相模範累遷度支郎中出爲郢州別駕尋兼通直散騎常侍聘於東魏文章詞令盛爲鄴下所稱還爲東宮學士領建康令侯景陷臺城信奔江陵元帝承制除御史中丞轉右衛將軍封武康縣侯聘於西魏因畱長安江陵平拜光祿大夫進車騎大將軍儀同三司周孝閔帝時封臨清子除司水下大夫出爲弘農郡守遷司憲中大夫進爵義城縣公俄拜洛州刺史爲政簡靜民吏安之時陳氏與周通好南北流寓之士各許還舊國陳氏乃請王褒及信等十數人武帝惜而不遣明武二帝雅好文學故信特蒙恩禮信雖位望通顯常有鄉關之思乃爲哀江南賦以致意大象初以疾去職隋開皇元年卒文集二十卷

北史文苑傳

隋

志百五十一

人物二十九 文學傳

九

柳詵字顧言襄陽人梁侍中惔孫父暉都官尙書詵少聰敏解屬文好讀書所覽將萬卷仕梁爲著作佐郎蕭詵立以爲侍中領國子祭酒轉吏部尙書梁國廢入隋拜開府通直散騎常侍尋遷內史侍郎轉晉王諮議參軍王好文雅引才學士諸葛穎虞世南王胄朱瑒等百餘人以充學士而詵爲之冠仁壽初爲東宮學士加檢校洗馬甚見親待以其好內典令撰法華玄宗二十卷奏之太子覽而大悅賞賜優洽大業初拜祕書監封漢南縣公從幸揚州疾卒年六十九所撰晉王北伐記十五卷集十卷

隋書

庾季才字叔奕新野人八世祖滔隨晉元帝過江因家於南郡江陵祖詵梁處士父曼倩光祿卿季才幼穎悟通周易好占玄象居喪以孝聞始辟荊州主簿授外兵參軍元帝初累遷中書郎領太史令封宜昌縣伯嘗共元帝仰觀星象季才曰頃天象告變秦將

入郢陛下宜留重臣作鎮荆陝整旆還都以辟其患俄而江陵陷
竟如其言周太祖一見季才深加優禮令參掌太史武成中補麟
趾學士遷稍伯大夫車騎大將軍仍遷太史中大夫封臨穎伯詔
撰靈臺祕苑宣帝初加驃騎大將軍隋開皇元年授通直散騎常
侍進爵爲公令與其子質撰垂象地形等志書成奏之以年老頻
表去職給半祿歸第仁壽三年卒年八十八子質字行修少而明
敏早有志向開皇元年除奉朝請歷鄆陵令遷隴州司馬大業初
授太史令質操履貞慤立言忠鯁每有災異必指事面陳帝伐遼
東徵詣行在數進讜言十年幸東都質復切諫帝不悅質因稱疾
不從帝怒遣使鎖至東都死獄中子儉亦傳父業兼有學識仕歷
襄令元德太子學士義寧初爲太史令

隋書藝
術傳

唐

志百五十一

人物二十九 文學傳

十

劉孝孫荊州人祖貞周石臺太守孝孫少知名大業末爲王世充
弟杞王辯行臺郎中辯降眾引去獨孝孫攀援號慟送於郊武德
初爲東虞州錄事參軍時太宗爲天策上將軍作文學館收聘賢
才下教以杜如晦房玄齡于志寧蘇世長薛收褚亮姚思廉陸德
明孔穎達李玄道李守素虞世南蔡允恭顏相時許敬宗薛元敬
蓋文達蘇勗並爲學士七年薛收卒召孝孫補之命閻立本圖象
褚亮爲之贊題名字爵里號十八學士天下慕向之謂之登瀛洲
貞觀六年遷著作佐郎吳王友歷諮議參軍遷太子洗馬未拜卒

唐書褚
亮傳

蔡允恭荊州江陵人後梁左民尙書大業子美姿容工爲詩仕隋
歷起居舍人煬帝有所賦必令諷誦遣教宮人允恭恥之數稱疾
授內史舍人俾入宮固辭由是疏斥入唐爲秦王府參軍文學館

學士貞觀初除太子洗馬卒著後梁春秋

唐書文藝傳

李善江夏人父元哲徙居廣陵善從江都曹憲受文選學淹貫古今人號書籠顯慶中累補太子內率府錄事參軍崇賢館直學士兼沛王侍讀上所為文選注解六十卷賜絹百二十四匹詔藏祕閣除潞王府記室參軍轉祕書郎乾封中出為涇城令坐與賀蘭敏之善配流姚州遇赦得還居汴鄭閒以教授為業諸生四遠而至又撰漢書辨惑三十卷載初元年卒子邕字泰和少有名長安初以李嶠張廷珪薦拜右拾遺中宗立鄭普思以方技幸擢祕書監邕切諫不納以與張柬之善出為南和令又貶富州司戶韋氏平召拜殿中侍御史彈劾任職人頗憚之改戶部員外郎俄貶舍城丞開元三年擢為戶部郎中左遷括州司馬後徵為陳州刺史玄宗封泰山還邕謁見汴州獻詞賦甚稱上旨邕素與張說不協會

志百五十一

人物二十九 文學傳

十一

仇人告邕賊罪下獄當死貶遵化尉徙澧州司馬累轉括淄滑三州刺史天寶初為汲郡北海二太守李林甫素忌邕傳以罪使人就郡杖殺之時年七十邕尤長碑頌雖貶職在外中朝衣冠及天下寺觀多齎持金帛往求其文前後所製凡數百首有文集七十

卷舊唐書儒學文苑傳參用新書按唐書宰相世系表云後漢會稽太守高陽侯就徙居江夏平春為江夏李氏其後元哲徙

廣陵元哲生善善生邕平春今信陽州境非今湖北地魏李通晉李充去就世近皆當為平春人則志不當錄入故皆不為立傳承嘉之際士族南徙李氏或有居武昌者後世地志載有李善讀書臺在咸寧李北海宅在江夏必非無因且善遷揚未久姑從舊志

杜易簡襄州襄陽人周峽州刺史叔毗曾孫也九歲能屬文及長博學有高名姨兄中書令岑文本甚推重之登進士第累轉殿中侍御史咸亨中為考功員外郎時吏部侍郎裴行儉李敬玄相與不叶易簡希行儉旨上封陳敬玄罪狀高宗惡其朋黨貶開州司馬易簡頗善著述有文集二十卷行於世

舊唐書

杜審言字必簡易簡從祖弟擢進士爲隰城尉恃才傲世嘗曰吾文章當得屈宋作衙官吾筆當得王羲之北面其矜誕類此累遷洛陽丞坐事貶吉州司戶參軍司馬周季重司戶高若訥構其罪繫獄將殺之季重等酒酣審言子并年十三襲刃刺季重於坐左右殺并季重將死曰審言有孝子吾不知若訥故誤我審言免官還東都後武后召授著作佐郎遷膳部員外郎神龍初坐交通張易之流峰州入爲國子監主簿修文館直學士卒審言少與李嶠崔融蘇味道爲文章四友世號崔李蘇杜病甚宋之問武平一等省候何如答曰甚爲造化小兒相苦尙何言然吾在久壓公等今且死固大慰但恨不見替人云子閑終奉天令閑子甫字子美少貧不自振客吳越齊趙聞李邕奇其材先往見之舉進士不中第天寶十三載玄宗朝獻太清宮饗廟及郊甫奏賦三篇帝奇之使待制集賢院除河西尉不拜改京兆府兵曹參軍安祿山陷京師肅宗徵兵靈武甫自京師亡走謁肅宗鳳翔拜右拾遺與房琯爲布衣交琯時敗陳濤斜罷相甫上疏言琯有才不宜罷帝怒召三司雜問以宰相張鎬言出爲華州司功參軍關輔饑輒棄官去客秦州負薪采橡栗自給流落劍南結廬成都西郭召補京兆功曹參軍不至會嚴武節度劍南東西川往依焉武再帥劍南表爲參謀檢校工部員外郎永泰元年武卒蜀亂甫往來梓夔聞大曆中出瞿塘下江陵沂沅湘以登衡山因客耒陽元和中孫嗣業自耒陽遷甫柩歸葬偃師甫少與李白齊名時號李杜嘗從白及高適過汴州酒酣登吹臺慷慨懷古人莫測也數嘗寇亂挺節無所污爲歌詩傷時橈弱情不忘君人憐其忠云

唐書文藝傳
參用舊書

鮑防字子慎襄州襄陽人少孤夔彊志於學善辭章及進士第

子傳云天寶十二年楊儂擢進士歷署節度府僚屬入爲職方員外郎薛兼訓帥

太原被病代宗授防節度行軍司馬俄知畱後兼太原尹節度使

人樂其治入爲御史大夫歷福建江西觀察使召拜左散騎常侍

從德宗奉天進禮部侍郎封東海郡公貞元元年策賢良方正得

穆質裴度柳公綽歸登崔邠韋純魏弘簡熊執易等世美防知人

時比歲旱策問陰陽祲沴質對漢故事免三公卜式請烹弘羊指

當時輔政者右司郎中獨孤恂欲下質防不許曰使上聞所未聞

不亦善乎卒置質高第後爲京兆尹以工部尚書致仕卒年六十

九諡曰宣防於詩尤工有所感發以譏切世敝當時稱之唐書

柳識字方明襄陽人渾同母兄也渾見列傳工文章與蕭穎士元德秀

劉迅相上下而練理創端往往詣極雖趣尙非博當時作者伏其

簡拔歷官屯田郎中集賢殿學士著有琴會記唐書柳渾傳

志百五十一

人物二十九 文學傳

孟浩然字浩然襄州襄陽人少好節義喜振人患難隱鹿門山以

詩自適年四十乃游京師應進士不第張九齡鎮荊州署爲從事

與之唱和不達而卒唐書參用舊書

綦母潛字季通荆南人開元十四年登進士第爲詩峻峭善寫物

情由宜壽縣尉入爲集賢待制遷右拾遺終著作郎姓譜全唐詩小傳

岑參江陵人中書令文本曾孫少孤貧篤學登天寶三載進士第

由率府參軍改大理評事兼監察御史轉右補闕論斥權佞歷起

居郎侍御史出爲虢州長史復入爲太子中允代宗總師陝服委

以書奏之任由庫部郎出爲嘉州刺史杜鴻漸鎮西川表爲從事

以職方郎兼侍御史領幕職使罷流寓不還遂終於蜀有集八卷

參詩辭意清切迴拔孤秀多出佳境每一篇出人競傳寫比之吳

均何遜書錄解題

張繼字懿孫襄州襄陽人登天寶進士第大曆末檢校祠部員外郎分掌財賦於洪州高仲武謂其累代詞伯秀發當時詩體清迥有道者風文獻通考

戎昱荆南人至德中登進士第京兆尹李巒欲妻以女命改姓昱拒之衛伯玉鎮荆南辟為從事建中時歷虔辰二州刺史有集三

卷萬姓統譜案江陵又有衛象大曆間詩人見唐詩紀事

繁知一稊歸人工詩白居易赴忠州刺史將至巫山知一題神女祠壁云忠州刺史今才子行到巫山必有詩為報高唐神女道速排雲雨候新祠居易見之邀知一至與之訂交而去全唐詩歸州志

皮日休字逸少一字襲美襄陽人隱鹿門山自號醉吟先生咸通八年登進士第嘗進書二通請以孟子為學科廢莊列之書有能通孟子義者其科選同明經及以韓愈配享太學官至國子博士

志百五十一

人物二十九 文學傳

後寓蘇州與陸龜蒙為文友著文數十卷皮子三卷黃巢之亂入會稽依錢氏仕越為太常博士卒子光業字文通美容儀善談論錢武肅王辟置幕府賜進士及第仕至丞相諡貞敏著有皮氏聞見錄次子光鄰官温州刺史孫粲官元帥府判官著有鹿門家鈔詩詠五十卷三世皆以文名江東北夢瑣言十國春秋案北新舊唐書地理志竟陵均屬復州襄州無竟陵縣也他書謂日休降巢為巢所殺陸游老學庵筆記辨證已明不必贅載崔道融荆州人以徵辟為永嘉令果官右補闕唐末避地入閩自號東甌散人有東浮集九卷申唐詩三卷書錄解題申字據增

宋

朱昂字舉之江陵人好學有清節時朱遵度好讀書號朱萬卷目昂為小萬卷昂嘗行經廬陵道遇異人謂之曰中原富有真主平一天下子仕至四品安用南為遂北遊江淮時周世宗南征韓令

坤統兵至揚州昂謁見陳治亂方略令坤奇之權知揚子縣適兵革之際逃亾過半昂便宜撫綏復者七千餘家令坤卽表授本縣令宋初爲衡州錄事參軍李昉知州事暇日多召語且以文爲贄昉深所嘉賞歷宜城令開寶中拜太子洗馬知蓬州徙廣安軍會渠州賊李仙眾萬人劫掠州界昂計擒之連結者置不問蜀民以安宰相薛居正稱其能遷殿中丞知泗州聚淮水流屍三千爲冢瘞之遷江南轉運副使端拱二年直祕閣眞宗卽位遷司封郎中俄知制誥判史館受詔編次三館祕閣書籍加吏部咸平二年除翰林學士踰年拜工部侍郎致仕遣使就第賜器幣給全俸本府歲時存問章奏聽附驛以聞命其子正辭知公安縣以便侍養許歸江陵賜宴於玉津園兩制三館皆與仍詔賦詩餞行搢紳榮之昂前後所得俸賜半購奇書以諷誦爲樂及是閒居自稱退叟著

資理論三卷上之弟協以純謹著稱仕至主客郎中雍王府翊善昂以書招之協亦告老歸兄弟皆眉壽時人比漢之二疏知府陳堯咨署其居曰東西致政坊景德四年卒年八十三門人私謚曰

貞裕先生子正彝正辭並登進士第正基虞部員外郎

宋史文苑傳案傳

云其先京兆人昂父初寓潭州後家衡山則昂應爲衡山人迨昂致仕許歸江陵豈後又占籍於此與抑寓江陵在寓潭州之先也今據輿地紀勝直以爲江陵人

孫何字漢公其先汝陽人父鏞周顯德中知荆門軍遂家焉生十歲識音韻十五能屬文篤學嗜古爲文必本經義在貢籍中甚有聲王禹偁尤雅重之嘗作兩晉名臣贊宋詩二十篇春秋意尊儒教議聞於時淳化三年舉進士第一除將作監丞通判陳州召入直史館遷祕書丞京西轉運副使改右司諫眞宗初獻五議一請擇儒臣有方略者統兵二請世祿之家肄業太學寒賸之士州郡

推薦而禁投贄自媒者三復科舉四行鄉飲酒禮五請以能授官
勿用恩慶例遷咸平二年冬從幸大名詔訪邊事何上書曰陛下
爰御六師親幸澶魏天聲一振敵騎四逃雖鎮定道路已開而德
棣烽煙未息此殆將帥未得人邊奏有闕壅鄰境不相救援糗糧
須俟轉運之所致也當今急務擇將帥則莫若於文武之內參用
謀臣防壅遏則莫若凡奏邊防陛見廷問合救援則莫若督以軍
令聽其便宜運糗糧則莫若輕齎疾驅角彼趨捷今大駕旣駐鄴
下契丹終不敢南牧所慮蠶食東北無備之城完繕周防不可不
慎大河津濟處處有之宜扼守要害上嘉其議俄權戶部判官出
爲京東轉運副使疏請擇州縣守宰省三司冗員遴選法官增秩
益俸何所建白俱當國是勤接士類後進有詞藝者必稱揚之累
官至兩浙轉運使景德初知制誥掌三班院會疾卒年四十四子

言大理評事弟僅字鄰幾少勤學與何齊名咸平元年進士甲科
兄弟連冠貢籍士論榮之除舒州團練推官會詔舉賢良方正趙
安仁以僅名聞策入第四等擢光祿寺丞直集賢院景德初拜太
子中允北邊請盟遣使交聘僅首爲國母生辰使遷右正言知制
誥尋知永興軍僅純厚長者爲政尙寬大中祥符初還知審刑院
拜右諫議大夫知開封府改河中進給事中天禧元年卒年四十
九錄其子和爲衛尉丞僅性端慤篤於儒學士大夫推其履尙有
集五十卷弟侑亦著文名與兄何僅有三鳳之目登進士第仕至
殿中丞

宋史

崔遵度字堅白江陵人後家淄川七歲授經於叔父憲問春秋編
年史漢紀傳之例憲曰此兒他日成令名矣太平興國八年舉進
士授和州主簿換臨汾饋芻糧底綏州涉無定河河沙與水渾流

無定迹陷溺相繼遵度憫之著銘紀焉端拱初轉運副使上狀言其勤得召對因獻文自薦時新建祕閣命中書試作頌一首擢著作佐郎淳化中遷殿中丞出知忠州李順之亂坐失城池貶崇陽令移鹿邑咸平初復爲太子中允景德初詔遵度進所著文召試舍人院改太常丞直史館修兩朝國史與路振並爲編修官大中祥符元年命同修起居注東封進博士尋爲左司諫遵度與物無競口不言是非於勢利泊如也掌右史十餘年立墀上常退匿楹閒恐上見之善鼓琴得其深趣所儻舍甚湫隘有小閣手植竹數本朝退默坐其上彈琴獨酌翛然自適九年仁宗以壽春郡王開府詔宰相擇耆德有學術者咸謂遵度力學有士行稱長者遂命與張士遜並爲王友改戶部員外郎國史成拜吏部員外郎歷禮部兼左諭德未幾使契丹判司農寺遵度性寡合喜讀易嘗云意

志百五十一

人物二十九 文學傳

七

有疑則彈琴辨其數筮易觀其象無不究也天禧四年卒年六十七仁宗卽位贈工部侍郎集二十卷

宋史文苑傳

夏侯嘉正字會之江陵人太平興國中舉進士歷官至著作佐郎嘗使巴陵撰洞庭賦辭極宏麗徐鉉見之曰木元虛之流也端拱初召試詞賦擢爲右正言直史館兼直祕閣元夕太宗御乾元門觀燈嘉正獻五言十韻詩上依韻和以賜之未幾卒年三十七子

紆官太子中舍

宋史文苑傳

張友正字義祖陰城人宰相士遜少子

士遜見列傳

杜門不治家事居

小閣學書積三十年不輟遂以書名神宗評其草書爲本朝第一

宋史

張嶠字巨山襄陽人

案陳振孫云光化人

宣和三年上舍選中第調方城尉

紹興五年召對嶠言荆襄壽春當擇良將勁兵戍守其地以重上

流之勢除祕書省正字六年噪奏請薄賦安民再遷著作郎請擇
儒臣爲川蜀荆襄帥九年除司勳員外郎金人敗盟上命兩省卿
監郎曹各草檄以進獨取噪所進者播之四方升實錄院修撰論
王德擅退軍不得授承宣防禦使封還詞頭官至數文閣待制

宋史

米芾字元章襄陽人後居潤州

案蔡肇撰芾墓誌云世居太原後徙襄陽

以母侍宣仁

后藩邸舊恩除校書郎補浚光尉歷知雍邱縣漣水軍入爲太常

博士知無爲軍復召爲書畫院學士擢禮部員外郎知淮陽軍卒

年四十九

年譜云五十七宋史誤

芾爲文奇險不蹈襲前人軌轍特妙於翰

墨沈著飛翥得王獻之筆意畫山水人物自名一家尤工臨撫至

亂真不可辨精於鑒裁遇古器物書畫極力求取必得乃已王安

石嘗摘其詩句書扇上蘇軾亦喜譽之冠服效唐人風神蕭散音

志百五十一

人物二十九 文學傳

六

吐清暢所至人聚觀之而好潔成癖至不與人同巾器所爲譎異

時有可傳笑者無爲州治有巨石狀奇醜芾見大喜曰此足以當

吾拜具衣冠拜之呼之爲兄又不能與世俯仰故從仕數困子友

仁字元暉力學嗜古亦善書畫世號小米仕至兵部侍郎敷文閣

直學士

宋史參用翁方綱撰米海岳年譜弟友知善楷法其父芾嘗云幼兒友知代吾書碑及作大字更無辨原

注見丹陽集

朱震字子發荆門軍人政和進士歷仕州縣以廉稱胡安國薦爲

司勳員外郎稱疾不至會趙鼎入爲參知政事上諮以當世人材

鼎曰臣所知朱震學術深博廉正守道士之冠冕使爲講書必有

益上乃召之問以易春秋之旨震具以所學對擢祠部員外郎兼

侍經筵時孝宗爲建國公出就傅以震爲贊讀兼翊善累官翰林

學士時徽宗未祔廟太常奏行明堂之祭震言其非紹興七年謝

病句祠卒震經學深醇著有漢上易解弟兌敦行篤學初入太學與震並稱二朱

宋史儒林傳
荆門紀略

王質字景文其先鄆州人後徙興國質博通經史善屬文遊太學與九江王阮齊名阮每云聽景文論古如讀酈道元水經貫穿周匝無有間斷著論五十篇言歷代君臣治亂謂之樸論中紹興三十年進士第召試館職不就明年金人南侵御史中丞汪澈宣諭荆襄又明年樞密使張浚都督江淮皆辟爲屬入爲太學正時孝宗屢易相質上疏曰陛下卽位以來慨然有爲宰相之任一不稱則陛下之志一沮前日康伯持和和不成浚持以戰戰不驗浚又持守守旣困思退又持以和陛下亦嘗深察和戰守之事乎李牧在雁門法主於守守乃有戰祖逖在河南法主於戰戰乃有和羊祜在襄陽法主於和和乃有守何至分而不合今陛下心志未定

志百五十一

人物二十九 文學傳

九

規模未立或告陛下金弱且亾而吾兵甚振則勃然有勒燕然之志或告陛下吾力不足恃而金人且來卽委然有盟平涼之心或告陛下吾不可進金不可入又蹇然有指鴻溝之意使臣爲陛下謀會三者爲一天下烏有不治哉上知質忠而忌者讒質年少好異論遂罷去會虞允文宣撫川陝辟質偕行一日令草檄契丹文援毫立就詞氣激壯允文起執其手曰景文天才也入爲敕令所刪定官遷樞密院編修允文當國薦質鯁亮不回且有文學可右正言時中貴人用事多憚質陰沮之出通判荆南府改吉州皆不行奉祠山居絕意仕祿淳熙十五年卒

宋史

張景字晦之公安人少從河東柳開學爲古文悉出家書畀之嗜學益力與孫僅朱巖李庶相麗益聲譽日起眞宗詔有司計偕天下士景居首列調館陶簿坐累謫全州尋爲房襄二州文學參軍

陳堯咨知其才薦爲寶應簿淮島僉雜憑戾嶼巫景翦除之後改

大理評事知昭信縣移掌真州權茶務天禧二年卒年四十九宋

撰墓志 晁氏讀書記 明統志 按今本柳河東集前有景序 題曰門人張景編後有景所爲行狀署清河張景則書郡望也

張君房字允方安陸人壯始從學遊場屋甚有名景德二年進士

及第年已四十餘官尙書員外郎充集賢校理祥符中日本國入

貢求本國神光寺記令君房撰文與之後自御史臺坐謫官寧海

徙知錢塘縣時眞宗崇尙道教盡以祕閣道書付杭州俾戚綸陳

堯臣校正綸堯臣共薦君房主其事乃編次得四千五百六十五

卷進之復撮其精要爲雲笈七籤一百二十二卷餘如乘異記科

名定分錄儆戒會葢麗情集潮說野語脞說之屬甚眾皆行於世

歷知隨郢二州信陽軍致仕子百藥纂其詩賦雜文爲慶歷集三

十卷塵史 四庫 全書總目

志百五十一

人物二十九 文學傳

三

張諤武昌人性好學能議論嘗自約仕至縣令則致仕而歸後登

進士第除中允於所居營一舍榜曰中允亭以誌素約也累遷集

賢校理直舍人院檢正中書五房公事判司農寺叵何坐事奪官

遂終於太子中允夢溪筆談

令狐揆字子先安陸人仕齊安理刑掾歲滿還里卜築湏溪之南

彈琴著書自娛時入城詣集賢張君房第借書布衣林希逸善繪

事乃擬摩詰寫浩然故事以爲令狐掾雪中渡湏溪圖其序略曰

張侯蓄書萬卷掾嘗就閱或假以歸每出入跨羸馬小童攜書籠

負琴以隨冬仲復來借書時值微雪掾渡溪以歸委轡長吟有借

書離近郭冒雪渡寒溪之句揆與二宋嘗謁郡守值守出方歸三

人遂立於戟門後騶騎傳呼而來二宋相顧歎慕揆曰何隘也吾

輩不出入將相皆不足道後元悉爲丞相景文終八座令狐止於

山南東道節度推官監本州稅而終史塵

史驥字君遴安陸人幼孤從學於令狐揆詩有唐人風格史塵

鄭猶字獻嘉安陸人獬之弟自幼隨獬守東南名郡所閱佳麗皆

一時之選善讀書詩章翰墨皆有聲獬沒求監安州酒稅以便養

親同邑朱元瑜者官至邑令亦好為詩史塵

王得臣字彥輔安陸人甫成童父命從學京師師事鄉人鄭獬及

泰州胡瑗又與明道程子友問學該博以文章名世登嘉祐四年

進士第官至司農少卿性嗜書史至老不倦自號鳳臺子著有鳳

臺集若干卷江夏辨疑一卷古今紀詠集五卷塵史二卷子渝官

壽春令弟鄰臣字光輔以經行應詔元祐二年賜第未幾墜馬卒

年四十六雍正志

唐既字潛亨江陵人介從子少舉進士有能賦聲以薦仕州縣一

志百五十一

人物二十九 文學傳

三

日不合意莞然笑曰道其在是乎遂拂衣歸閉關於漢水之上二

十年著春秋政典鄒浩為序道鄉集墨莊漫錄

胡旦鄧城人天聖二年進士冠天下後歷知制誥祕書監以文章

名世輿地紀勝

張璠字全翁安陸人父君靖官光祿卿璠以資至京東轉運使坐

事降通判太平州時葛洪提舉坑冶取璠腳色欲發薦狀璠不聽

後以京東提刑致仕塵史見聞雜錄案璠與蘇軾交善見東坡集

潘鯁字昌言齊安人父革處士鯁元豐二年進士授蘄水縣尉遷

和州防禦推官知江州瑞昌縣歷吉州軍推官以奉議郎致仕張

耒志其墓稱其學正其言文其居家孝友其為吏惠愛著有春秋

斷義十二卷講義十五卷易要義三卷弟丙字彥明以解元舉進

士丙弟原字昌宗秀才兄弟皆與蘇軾友善軾屢稱之鯁子大臨

字邠老以詩名於時臨川謝無逸嘗問有何佳句答云秋來景物
件件皆佳恨爲俗氛所蔽昨有詩云滿城風雨近重陽忽催租人
至遂敗意止此一句奉寄弟大觀字達仲詩名與兄埒亦入江西
宗派宋元學案 東坡集 宛邱集 詩話總龜 黃州府志

廖正一字明略祖淳本劍南人後居安陸天禧二年進士第十人
父子孟皇祐元年進士亦第十人正一元豐二年進士元祐中召
試館職蘇軾在翰林見其所對策大奇之除祕書省正字出知常
州紹聖中入黨籍貶監信州酒稅鬱鬱不得志喪明而沒自號竹
林居士著有竹林集十卷塵史 東都事略 晁氏讀書志

何頡之字斯舉黃岡人祖聖可嘗從東坡遊頡之年少因侍教誨
篤學善屬文自號樗叟連蹇場屋不第晚得一官韓子蒼守黃州
獨與倡和輿地紀勝

志百五十一

人物二十九 文學傳

三

孫賁字公素黃岡人爲韓魏公琦書記甚見知重後官奉議郎黃州府志

夏倪字均父蘄州人自府曹左官祁陽監酒後知江州文詞富贍
儕輩罕及著有遠遊堂集五言擬陶韋疊疊逼真律詩用字琢句
超出繩墨言近指遠可以諷詠文獻通考 黃州府志

高荷字子勉江陵人詩宗少陵黃庭堅極愛賞之謂其用一事如
軍中之令置一字如關門之鍵而充之以博學行之以溫恭天下
士也仕至直龍圖閣知涿州卒自號還還先生黃山谷集 文獻通考 案山谷在

荆州所與遊者有朱公武劉邦直田子平李材叟翹叟皆有
文學別無事實又不得其名子平或燕人田偉之子與附此
石深字會川光化人博古通今其詩澹泊時出偉麗官至朝散郎
仕既不遭晚歲自晦於田里有滄浪集十卷陳與義去非爲之序

一統志
輿地紀勝

曾絃字伯容本南豐人父阜字子山將漕湖南後家襄陽絃善詩
嘗與夏均父倡和有臨漢居士集七卷子思字顯道得其父句法
有懷峴居士集六卷絃父子皆有官而皆高亢不仕楊誠齋序顯
道詩附江西詩派之後文獻通考

吳必大字伯豐興國軍人少從呂伯恭張敬夫遊晚事朱子深究
性理朱子亟稱之以父彥夔任爲吉水丞會禁僞學遂棄官歸萬姓統譜

興國志

李義山字伯高嘉魚人嘉定庚辰進士淳祐中以金部郎中入對
言爲善不可有疑心去惡不可有悔心出知吉饒二州有善政後

以湖南攝師漕著有後林遺稿思過錄萬姓統譜宋元學案

魚人嘗師事朱晦庵張敬夫儒林宗派因之宋元學案則以義山爲豐城人知成州李修己之子且據魏鶴山志其母蔣恭人墓言義山逾冠擢乙科當生於慶元間而朱子卒於慶元庚申南軒卒於淳熙庚子其不及師二先生甚明蓋義山父修已實從二先生

志百五十一

人物二十九 文學傳

三

遊諸書或因此而誤而修己嘗知興國軍後或占籍湖北亦事之所有既無確證未便刊削附識俟考

萬禎字人傑一字正淳大冶人淳祐辛丑進士少從呂伯恭張敬
夫遊晚師事朱子深究理學朱子亟稱之里居教授學者稱爲止

齋先生宋儒學案

張丰應大冶人師事朱子講學白鹿洞嘗攝司理會峒猺作亂俘
獲渠魁釋其脅從無驗者數千人嘉慶志案嘗攝司理不知何處無從考舊志文如是今仍之

孫偉字奇甫江陵人少負奇氣初爲靜州幕官劉元城再謫夷陵
偉自靜求沿檄至峽求見曰偉以求見先生而來非沿檄也元城

問所以願見之意偉曰生長南方竊聞司馬溫公北方賢士大夫
之冠先生受業溫公是以求見非敢言從學但願就先生求五日

飯尋一宿處聽先生五日話元城嘉之因與之言溫公所以傳習
者逾五日偉已錄成一卷請曰願更住半日求先生諦視之無差

謬否元城閱畢遂辭歸自是踐履一宗元城每對學者言從得劉先生五日終身受用不盡偉本用世才以爭和議不勝不復求用官終判監晚遊衡山與胡文定父子論學甚契著有奏議數卷胡五峰跋之曰是乃上蔡所云不爲一身之謀而爲天下之慮者子蒙正字正孺早受家學得元祐諸公之傳而於五峰兄弟爲故人子時時從之問道五峰稱其資稟過人

宋儒學案

元

趙復字仁甫德安人元師伐宋屠德安姚樞在軍前凡儒道釋醫卜占一藝者脫之以歸復在其中姚樞與之言奇之而復不欲北因與樞訣月夜赴水自沈樞覺而追之方行積尸間見有被髮徒跣仰天而號者則復也亟挽之出至燕以所學教授學子從者百餘人當是時南北道絕載籍不相通復以所記程朱諸經傳注盡

志百五十一

人物二十九 文學傳

三

錄以付樞樞與楊惟中建太極書院立周子祠以二程張楊游朱配食選取遺書八千餘卷請復居其中復以周程而後其書廣博學者未能貫通乃原義農堯舜所以繼天立極孔子顏孟所以垂世立教周程張朱所以發明紹續者作傳道圖而以書目條列於後別著伊洛發揮及師友圖希賢錄樞既退隱蘇門乃卽復傳其學由是許衡郝經劉因皆得其書而尊信之北方知有程朱之學自復始世祖嘗召見謂曰我欲取宋卿可導之乎對曰宋父母國也未有引他人之兵以屠父母者世祖義之不強也復雖在燕不忘故土嘗以江漢自號故學者稱之曰江漢先生子卿月紹其家學嘗拜憲司職未久謝去屢徵不起

元史儒林傳元儒學案

暢師文字純甫襄陽人父訥有詩名注地理指掌圖仕爲汴幕官師文幼警悟家貧無書手錄口誦過目輒不忘弱冠謁許衡與衡

門人姚燧高凝皆相友善至元五年陳時政十六策丞相安圖奇其才辟爲右三部令史十二年丞相巴延攻宋選爲掾屬從定江南及歸舟中惟載書籍而已十三年編平宋事迹上之十四年除東川行樞密院都事二十三年拜監察御史上所纂農桑輯要書尋遷陝西漢中道巡行勸農副使置義倉教民種藝法三十一年徙山南道松滋枝江有水患歲發民防水師文以江水安流罷其役大德初改山東道入爲國子司業頃之以疾家居十年起太常少卿轉翰林侍讀學士知制誥同修國史至大初修成宗實錄時制作多出其手除燕南河北道肅政廉訪使以病去官延祐元年徵拜翰林學士行至河南復以病歸襄陽四年秋八月考河南鄉試歸次襄縣卒於傳舍年七十一葬襄陽峴山泰定中追封魏國公諡文肅

元史

案史作南陽人而傳中言歸襄陽又曰葬襄陽頗不相符考萬姓統譜正作襄陽人今仍雍正志從之

志百五十一

人物二十九 文學傳

三

硯彌堅字伯固應城人硯氏莫究其始所出彌堅年十六從鄉先生王景宋學又從學於袁州劉仁卿元師徇地漢上與趙復俱以名士爲大將招致而北家真定著儒籍專以授徒爲業通諸經善講說士執經受業者日盛容城劉因中山滕安上皆從之遊燕南宣閩及部使者嘉其行義薦爲本部教授凡十餘年循循爲教始終不倦至元二十四年召爲國子司業律身嚴以有禮屢以陽城忠孝之說訓迪諸生歲餘移疾歸著有郟城集十卷二十六年卒年七十八子禹功禹謨皆明經學禹功官冀州儒學教授

宋元學案

幾

輔通志

宣昭字伯綱一字良齋隨州人有雅行精通古今於百氏之書無所不諳尤精翰墨書備八法

隨州志

魯璠字璵公應山人好學工文辭制行端謹仕爲中牟縣尹有賢

聲居鄉以禮訓俗鄉人化之雍正志 案應山志

宋愿字文齋蒲圻人生而穎敏力學不倦崇尙經術至忘寢食皇

慶中爲濂溪書院山長轉官澧州學正一統志

邱堂武昌人延祐四年同茶陵陳誼高醴陵馮復可試雲夢賦文

辭贍麗又與衡山何克明並擅名當時人稱邱何雍正志

何維蒲圻人延祐中鄉舉與常德孫以忠沅州李壽醴陵李明孫

才名相埒而維爲之冠試求賢詔有兩漢詔令之風同邑有汪存

禮汪廷揚存禮泰定三年試大別山賦考官揭傒斯稱其奇屹古

奧與山爭雄廷揚至正三年試登瀛洲賦藻思俊麗考官龍仁夫

激賞之又武昌李瑾亦泰定三年鄉舉亦以賦知名楚紀 雍正志 武昌志

何槐孫字德符蒲圻人幼穎敏日記數千言泰定中進士授宜黃

縣尹再任雲夢遷慶元路總管府推官俱有政聲著有善政指南

志百五十一

人物二十九 文學傳



及碑碣諸文行世一統志

黃溥字彥博蒲圻人後至元元年中鄉試爲慶元路鄖山書院山

長性敦樸學務知本言動不苟士子則之蒲圻志

李鵬翔咸寧人至正初累官翰林學士家居梓山上下文章德行爲

一時推重嘉慶志

金希說襄陽人博通經史善屬文官至內臺御史弟希舜亦有才

名襄陽府志

明

張誠字應元江夏人元末不仕隱居靈泉力學敦行洪武五年以

康茂才薦召試白燕詩賜翰林江夏志

盧文政江夏人幼嗜學溫雅有度建文己卯舉人累官太僕寺丞

致仕年八十餘手不釋卷著有太平一覽錄一統志

劉績字用熙一字蘆泉江夏人弘治庚戌進士歷官鎮江知府績凡所撰述根極理要貫穿羣籍著有禮記正訓三禮圖六樂說管子補注蘆泉詩文集分省人物考四庫全書總目

馮世雍字子和江夏人博極羣書才華瞻麗工詩古文辭嘉靖癸未進士官吏部郎中出爲杭州知府調徽州皆有惠政致仕歸家居二十年足迹不入公府著有三石文集呂梁志分省人物考

任家相字心葵江夏人爲諸生與郭正域齊名萬曆十年舉京闈鄉試授婺源教諭刻朱子書於學宮遷翰林院待詔充福王講讀上勸學箴又疏陳尊孝經以定試題制宗學以廣育才祠國學以崇名宦鄉賢累官工部司務著有雲龍閣集江夏志

賀時泰字叔交一字陽亨江夏人萬曆時諸生與同里郭正域以義理相劘切其學以致知爲良知之工夫以格物爲良知之實以

志百五十一

人物二十九 文學傳

七

敬爲知行之合一以求諸己心爲致心之的嘗言良知有本體有工夫有效驗本體認徹只下致字工夫則效驗在其中著有思聰錄學者稱陽亨先生豫章趙運昌謂時泰學宗姚江而祖道州胡來朝稱其有天民之志其爲世推重如此子逢聖自有傳廣理學備考

朱華園字仲叔江夏人明楚藩六世輔國中尉公照之仲子六歲就外傳卽舉大學二字問師曰此何等學也師奇之十四通古今二十好姚江王氏之學久之益探研周程朱陸諸書著匯書宋元詩選暨梅湖桃溪諸集晚更爲一書曰聖賢寶鑑論列聖賢發揚忠孝凡五十萬言崇禎癸未夢遊石壁見詩語似招隱者卽棄家遁入桃溪置田學耕易名陶范公及流賊陷武昌憤極悲嘯而逝

湖北通志檢存稿 楚風補

周炳靈字公含江夏人博極羣書常著洪山賦人爭傳之天啓元

年京闈副貢授光化訓導升興縣知縣

雍正志

劉敷仁字濟甫江夏人與竟陵譚友夏友善所交皆吳楚知名士

給諫凌義渠翰林林可任尤雅重之每過敷仁必屏騶從曰母溷

高士也崇禎壬午舉人國變後杜門不出著有悟山草等集

湖北詩佩

張鍾靈字白湖武昌人弘治戊午鄉試第一讀書力行絕意仕進

竟陵譚友夏序其遺集刊行之

湖北詩佩

周時舉字礪溪武昌人楷子

楷見列傳

嘉靖貢生性穎慧有異才工詩

善畫與文徵明吳國倫齊名授華州通判有廉名遷雲南同知不

赴歸灌園自給嘯歌灑然鄉里高之

武昌志

談必泰字子開武昌人嘉靖舉人官靖州學正時峒苗蠢動時出

劫掠州牧議置戍恐激變必泰往諭之羣苗羅拜皆受約束致仕

歸著有謙齋焚餘詩文等集

武昌志案明舉人表無

志百五十一

人物二十九文學傳

天

程立中字執夫嘉魚人家貧常投於官為尹所辱朗吟一詩尹異

之會詔求遺逸遂薦授縣丞後以事繫獄一夕成詩百首太祖原

其忠愛釋之俾復官

雍正志

李承芳字茂卿嘉魚人幼穎敏生七月以箸畫地作土地二字年

十四伯父田指鄉之富貴者示之曰兒志此乎對曰富貴不淫貧

賤樂兒之志也弘治庚戌成進士授大理評事未幾謝病歸與弟

承箕俱隱於黃公山以講學為業著有東嶠集

嘉魚志

李承箕字世卿一字大厓承芳弟成化丙午舉人為文跌宕出入

經史初師莆田周瑛繼聞陳獻章之學而慕之弘治初往南海師

焉獻章日與登涉山水投壺賦詩縱論古今事獨無一語及道久

之承箕有所悟辭歸築釣臺於黃公山讀書靜坐其中不復仕進

自嘉魚至新會涉江踰嶺水陸萬里承箕往見者四其胸次灑落

獻章之門無及之者生平不著書嘗曰六經而外散之諸子百家皆賸語也時以承箕與兄承芳皆好學稱嘉魚二李卒年五十四門人葉相通山人父官山東鹽運經歷卒於任六年不能歸相方成童閒關扶柩歸葬廬墓三年既長從承箕遊陳獻章亦亟稱之

明史參明儒學案

鄧林字時茂蒲圻人洪武丙子舉人以月桂賦擅名仕至縣令

楚紀

李德庸名弘以字行宋李義山之裔遷居蒲圻遂爲蒲圻人幼讀書務探微旨及長講明性學深得淵源洪武九年辟爲本邑訓導永樂五年應江西鄉試聘得士蕭時中等召入京值皇太子監國令進講經筵稱旨遷國子助教

舊武昌府志

廖道南字鳴吾蒲圻人正德辛巳進士授編修累官侍講學士命修通禮直經筵多所讜益日食陳洪範天變四事又陳六事上郊

志百五十一

人物二十九 文學傳

三

廟大禮議請撤姚廣孝配享建辟雍立帝王廟申明大禘議皆嘉納爲忌者所中謫徽州推官明年復職卒以忌免著有文華大訓箴解殿閣詞林記楚紀元素子集

楚寶湖北詩佩

魏裳字順甫蒲圻人嘉靖庚戌進士爲人質直好讀書居親喪杖而後起歷官濟南知府除淄萊盜均章邱賦齊人德之遷山西副使罷歸著有雲山草堂集子樸如字文可嘉靖辛酉舉人官至澂

江知府有怡雲亭集

明史王世貞傳參用蒲圻志

汪必東字希匯崇陽人正德辛未進士授戶部主事轉禮部郎中凡郊廟大典禋祀表疏悉出其手文學優贍善草書以議大禮廷杖瀕死後除廣西參議進雲南參政嘗作望海賦一時傳頌著有

易問大旨南雋集

明詩綜

吳國倫字明卿興國人嘉靖庚戌進士授中書舍人擢兵科給事

中楊繼盛死倡眾賻送其喪忤嚴嵩謫江西按察知事移南康推官調歸安知縣居二歲棄去嵩敗起授建甯同知累遷河南左參政罷歸國倫才氣橫放好客輕財歸田後聲名籍甚求名之士不東走太倉則西走興國萬曆時世貞既沒國倫猶無恙在七子中最爲老壽著有劼甄洞正續稿明史

徐汝化字應時興國人萬曆進士任河間知縣性孝友築愛日堂以娛親事兄如父與吳國倫倡和著有青桂堂集一統志案明進士表無

朱伯驥字溪南通山人成化癸卯舉人授廣州推官往從陳獻章遊一日上獻章書曰古今人才不相及者古之待士也想故士之自爲也通今之待士也刻故士之自飾也周自爲之通者進退弛張由乎我而光明俊偉之業成自飾之周者舉動視聽從乎人而消沮閉藏之念作此人才所由分也且人之情忌人之得譽而幸

志百五十一

人物二十九 文學傳

三

人之得謗舉十人焉九人我譽一人我謗以九人之譽必不敵一人之謗譽難信謗易入也獻章以爲知言遂棄官歸楚紀通山志

朱寵字德承漢陽人嘉靖甲辰進士授海門知縣課績第一擢御史適嚴嵩柄政具疏將劾之未上而父卒服闋不起與漢川張緒講求理學家貧至糧絕弗顧學者稱漢水先生一統志

張緒字文綸漢川人嘉靖庚子舉人受業安福鄒守益歷官南吏部員外郎與耿定向羅汝芳講學不輟當事惡之謫官繁昌教諭遷知德陽縣告歸室廬蕭然布衣脫粟晏如也學者稱甌山先生緒與張居正同舉於鄉居正柄國欲用爲知府緒正色曰予奪在天子可自擅乎乃止及卒門人私諡曰介肅一統志

尹賓商字亦庚漢川人有雋才喜談兵以選貢授屯畱知縣調祁縣忤上官免歸杜門著書其學長於術數釋遁甲曰遁者隱也大

衍虛一太乙虛三之義也甲爲十干之首常隱於六儀之下所以變化無窮謂之遁甲六儀戊己庚辛壬癸也甲爲天之貴神雖不用而潛伏於戊己庚辛壬癸之間因名曰遁或曰遁者循也當云循甲取六甲循環之義非其本旨矣他著述詩文甚夥有小書籠

集艾衲阿藏稿焦螟子兵雷記

湖北通志檢存稿

劉伯生字大鶴孝感人

案伯生兄弟安陸縣志亦載之今據太學題名碑定爲孝感人嘉靖乙丑

進士授上蔡知縣擢南吏部主事以母老乞歸讀書養親著作日

富初伯生與弟伯變同舉於鄉伯變領解赴鹿鳴伯變固辭首座

主司令就伯生揖而後坐鄉人榮之

伯變見列傳

同郡劉紹卹號瀟湘

隆慶戊辰進士官至雲南僉事才名與伯生兄弟相埒都下有安

陸三劉之目著有瀟湘集

孝感志

唐希皋字子謨孝感人師事錢德洪以歲貢授興國知縣掾吏農

志百五十一

人物二十九 文學傳

三

商皆令歌詩習禮禁奢侈之習定婚葬之儀嚴溺女之禁教化大行以疾歸里置求仁館聚徒講學嘗曰吾求遷善改過雖桑榆之景無多庶幾古人得正而斃之道疾革或問曰此物如何格希皋曰一息尙存此志不容稍懈乃所以格之也臨終囑其子勿請入

鄉賢

一統志 孝感志

黃文旦字敬淦孝感人十歲能文治毛詩著二南箋義二十五篇

崇禎丙子舉人傷時亂鬱鬱不樂著蕘慮二十四篇危言讜識人

以比之賈誼遂無仕進意卒年四十八有老峰集

湖北通志檢存稿

程學顏字後溪孝感人嘉靖壬子舉人歷涇縣教諭應天推官太

僕寺丞學顏少遊張緒山王龍谿之門稱高弟躬行自得嘗曰性

命之學淡而不厭不厭乃可言淡淡而不厭亦至濃矣嘗置義田

贍族生產所獲交友間一無所吝

孝感志

副使備兵井陘下車苦旱以身請禱大雨立應以母憂歸遂絕意仕進力於學問尤好金石文字著有見南江閣來青軒借山亭集奏稿尺牘語錄沔陽人物考凡數十卷年六十餘居里中修高年會比香山洛社之盛平生恥談人過獎善憐才汲引後進如恐不及年七十五卒子文燮光祿監事有才藻

湖北通志
檢存稿

陳文燭字玉叔柏次子也幼負異質弱冠工古文歌詩嘉靖乙丑成進士授大理評事時王世貞李攀龍以詩文號召天下文燭頡頏其閒無少讓京山李維楨亦推分相交出爲汝南知府遷四川提學副使衡鑒精當時政務爲嚴刻操諸生如束溼文燭獨以寬大得士心遷南大理寺卿值王世懋掌南刑部氣誼尤與相得生平有愛石癖以多役作爲忌者所中致仕歸建五岳山園居其中賦詩倡和爲樂年六十卒著有二酉園集子汝璧亦善屬文

湖北通志

志百五十一

人物二十九 文學傳

三

檢存稿參
沔陽志

王廷陳字稚欽黃岡人父濟吏部郎中廷陳穎慧絕倫年甫卅日誦數千言正德丁丑成進士選庶吉士武宗南巡與同館舒芬等七人將疏諫館師石瑄止之廷陳賦烏母謠以刺瑄及執政已而疏上帝大怒罰跪五日杖於廷時已改吏科給事中乃出知裕州以忤監司削籍歸世宗踐阼前直諫被謫者皆復官獨廷陳以挂吏議不與屏居二十餘年嘉靖中巡撫顧璘薦修承天大志書成賜銀幣而已廷陳才高詩文重當世一時才士鮮能過之著有夢

澤集

明史文苑傳

王同軌字行父廷陳從子博學工詩由貢生官江寧知縣著有蘭馨集又嘗纂輯聞見爲耳談十五卷亦夷堅志之流從孫一鳴字伯固萬曆丙戌進士官太湖知縣後調臨漳勤撫字不取一錢著

有朱陵洞稿黃州府志

吳良吉字石梁黃岡人師事王守仁日以講學為事巖然純粹學者多睽就之耿定向兄弟聞其名過訪值雨漲不能去日以麥飯鰕菜為供客具耿戲謂人曰吾為吳石梁麥飯淡齏所苦然不敢不飽也詩歌有邵堯夫風著有居湖集楚寶參黃州府志

易為鼎字用玉黃岡人生而有文在手曰汪長以文章著名學使高世泰修三楚文獻錄鼎與汪三奇劉醇驥龍瓊皆與焉後築室白雲山教授生徒著有經說及雪香亭集湖北通志檢存稿

蔡曰涇字沙江蘄水人性純孝年十四母病篤百計求愈中正德丙子舉人好古博學受業於王守仁又入南雍從湛若水遊終身不仕教授生徒數百人學者宗之稱為大隱先生著有易膚說三卷黃州府志

志百五十一

人物二十九 文學傳

三

朱期至字子德蘄水人萬曆甲戌進士與漢陽蕭良有京山李維楨齊名由戶部主事累官懷慶知府以清靜為治著有王屋山人

集黃州府志

黃正色字美中蘄水人崇禎丙子舉人授蕪湖知縣廉潔自矢性恬退早告歸田茅屋數間圖書橫列搜討無虛晷善書人競購弄之時詔舉山澤之士知縣龔鼎孳欲以正色應詔力辭不赴子祥遠能詩湖北通志檢存稿

金甌字卜公蘄水人刑部郎中玉節子玉節見列傳崇禎壬午舉人少

孤事母以孝聞好讀書與黃正色王一翥劉侗以文章道義相期許時道梗公車未上旋病卒湖北通志檢存稿

劉承烈字拙齋麻城人諸生操履清介聞耿定向講學往師焉學以格物為宗生平閱易注解百四十家多所折衷熟習國家典故

記問該博每談論聞者傾耳悅服著有易學就正格物解見聞錄

雍正志
黃州府志

周恩久字柳塘麻城人工詩善書嘉靖癸丑進士歷官瓊州知府致仕思久與耿定向以理學相切劘歸建輔仁書院以居學者時會講焉著有柳塘遺書石潭集麻城志

劉侗字同人麻城人為諸生有名初游京師與同里周損著帝京景物略盛行於世侗詩文尚奇奧無一字拾人殘瀋崇禎甲戌成進士授吳縣知縣之任卒於維揚舟次麻城志

耿定向字在倫黃安人嘉靖丙辰進士由行人擢御史疏劾吏部尚書吳鵬六罪嚴嵩為營護事竟寢出按甘肅舉劾無所私去任有以石經餽者畱境上而去還督南京學政隆慶初擢大理寺丞與執政高拱不叶謫橫州判官拱罷量移衡州推官萬曆中累官

志百五十一

人物二十九 文學傳

三

右副都御史歷刑部左右侍郎擢南京右都御史尋以戶部尚書督倉場力辭求退章屢上乃許歸居天臺山與弟定理定力講明正學大旨本於王守仁然不尚虛玄欲以矯狂禪之弊嘗招晉江李贄至黃安後漸惡之年七十三卒諡恭簡著有冰玉堂語錄學

彖碩輔寶鑑要覽明史參湖北通志檢存稿

耿定理字子庸定向弟少時讀書父督過之憂憤不知所出問之則曰吾恨不明苦有目而瞽耳自是靜坐一室終歲不出或出求友累月始歸久之充然有得定理論學不煩言說李贄好談論謂之曰如何自以為是贄默然定力字子健亦定向弟隆慶辛未進士授工部主事張居正故座主甚眷之定力深自引避出為成都知府遷福建提學副使下車即頒楊羅李朱諸大儒微言以訓士錄蔡清及布衣陳真晟後以示風向累遷右僉都御史督操江疏

言權使罔利藪奸又極陳礦使之害進南兵部侍郎卒定力所學以求仁爲宗以與人爲善爲體大旨與定理相似

湖北通志
檢存稿

胡明庶字公輔羅田人嘉靖壬辰進士孝友力學尤精理數嘗取皇極經世律呂新書章分句解衍之爲圖弟明通明睿皆知名明通嘉靖戊子舉人授信豐知縣歷金華通判告歸家居建書院於

黃道山麓學者稱東郊先生著有征邁集

一統志
黃州府志

顧問字子承蘄州人幼不好弄五六歲陳盤孟禮容揖讓以爲戲就塾日誦數百言嘉靖戊戌進士授壽昌知縣壽昌俗難嫁貧家生女輒不舉問嚴禁犯者致罪定貧家嫁娶式積歲活者千餘月進生徒講學化大行擢貴州道御史二十二年七月熒惑入南斗先是嚴嵩翟鑾構隙給事中周怡論劾廷杖下獄問因天變陳言追論怡事且言大臣中官通爲表裏帝優容之俄以入朝失儀謫

志百五十一

人物二十九 文學傳

三

來安知縣升邠州知州設義學義倉月朔集父老子弟約束勸戒貧不能就塾者令入社鰥寡孤獨疾病者出倉穀賑之立什伍連坐法州無盜賊擢浙江僉事晉參議連遭父母喪講學陽明書院有終焉之志隆慶二年起爲徐州兵備黃河溢入邳州措置流宄捍禦隄防民賴以安轉福建參政弟闕以南京吏部郎爲福建副使不赴問亦九疏乞歸築崇正書院與羅洪先倡明理學海內比之伊川程氏問性舒徐行必張拱坐終日不敬側大暑家人未嘗見其袒裼對僮僕無疾言卒年八十一

湖北通志
檢存稿

顧闕字子良問弟嘉靖丁酉舉於鄉戀親不赴公車父促之使行庚戌三月京師晝晦黃霧四塞闕賦隱憂七章試畢南歸是年成進士益樵戶讀書求濟世務癸丑廷試授刑部主事尋丁父母憂哀慕過毀同兄問廬墓先後十年服闋補禮部郎中移南京吏部

郎中遷福建副使告歸時往來廬山白鹿洞與餘姚王畿錢德洪
南昌李材吉安羅洪先盱眙羅汝芳瓊山海瑞安福鄒德溥丹陽
姜寶黃安耿定向定力及其兄問講學砥行反復不倦初問主陽
明書院立教嚴峻闕主崇正書院從者數百人方技雜流亦不之
拒一日忽謝生徒去未幾而有陽明偽學之禁闕退休時年纔三
十九家居四十餘年萬曆中張居正嘗薦之廷臣薦者二十餘疏
詔除通政司參議皆不起卒年八十六學者私諡爲宣靖先生子
大訓字德蒙以歲貢授南昌府通判富藏書至五萬餘卷手錄者
千餘卷著有續高士傳及詩文集孫天錫字重光天啓貢生博通
經史受知於督學董其昌入北雍對策語侵闖寺主司乙之館太
僕米萬鍾家轉徙天津河間常以教授爲業除中牟知縣不就歸
盡發先世藏書以教子深究劉向五行之學用書洪範及皇極經

志百五十一

人物二十九 文學傳

世推明天倫儆戒後世著戒史七十卷以明年號與前代多同著
改元考八卷崇禎十六年流賊屠蘄州天錫歸崑山祖居久之復

歸蘄康熙初卒

湖北通志檢存稿參黃州府志

袁素亮字公寥蘄州人歲貢負才磊砢不羈詩文辭下筆數千言
早與譚元春相倡和晚與陳際泰艾南英結文社值寇亂不出所

著多散佚

湖北通志檢存稿 府志云遇賊不屈死之

劉養微字敬伯廣濟人諸生性敏悟工吟詠家貧授徒自給詩宗
法李夢陽而稍去其比擬之迹著有康谷子集邑中先後稱詩者
有寇學海楊大鼇以養微爲最云學海字巨源嘗入盤山中樵戶
數年研究詩家指要一時公卿爭延致之稱爲寇山人尤爲晉慶
成王所禮著有二餘齋集大鼇字用極萬曆庚子舉人著有榛苓

遺草

四庫全書總目提要 劉醇驥撰傳 黃州府志

吳自守字介夫一字易庵廣濟人諸生潛心性理入匡廬閉戶三年豁然有得乃歸布衣蔬食養親極盡誠敬居大江之濱四方學者多造其廬羅文恭微時亦至焉畱連累日然後去廣濟志

吳亮思字幼睿廣濟人亮嗣弟亮嗣見列傳崇禎歲貢有聲諸生閒與

黃岡何閔中樊維城黃正色王一翥齊名會詔舉人才有以亮思應者亮思上疏略言皇上勵精圖治求賢若渴制科而外求之拔貢求之宗室換授求之山林薦辟今乃下及歲貢皇上求賢逾急而臣下奉行逾緩皇上求賢逾公而臣下奉行逾私富家得官以賄賂勢家得官以援引豈古大臣以人事君之義疏奏帝命指實後歸隱石港山不出著有詩文集湖北通志檢存稿

瞿九思字睿夫黃梅人父晟字景明嘉靖癸丑進士歷官廣平知府鑿長渠三百里引水爲四閘得田數十萬畝九思幼羸瘠晟憐

志百五十一

人物二十九 文學傳

三

之弗過程督晟以戶部主事行兌江西時九思十歲從至吉安師事羅洪先年十二督學試廣平以隨任子弟例考爲生員檄還黃梅嚴嵩方秉政九思作定志論上父歷言權奸柄國之害君子宜見幾引退陳義甚高年十六居父喪服闋從耿定向問春秋謁曹大章於京口至南京謁瞿景淳林廷機許穀學益進江西督學徐爌迎主白鹿書院遂與爌論太極定性之學致書羅汝芳論文之河南謁鄒善督學胡直迎主濂溪書院講學於嶽麓石鼓書院萬曆元年中鄉試第二縣令張維翰違制苛斂民毆辱之維翰誣九思倡亂巡按御史向程劾維翰激變吏部尙書張瀚言御史議非是九思遂長流塞下其二子上書訟父冤屠隆馮夢禎亦爲之言而張居正故才九思乃釋歸九思由是閉關著述與門人休甯張復策進心學四方從者日眾其學原本六經至古史傳記山經地

志天文圖籍律曆算數無不搜羅而國史時政輿革利病尤悉凡十八年不與外事三十七年巡按御史史學遷疏薦授翰林院待詔力辭不受乃撰樂章及萬曆武功遣其子罕詣闕上之詔有司歲給米六十石終其身卒年七十一著有六經以俟錄中庸口授中庸位育圖洪範衍義仁統實用編時務表邊略倣古編蓄艾編孔廟禮樂考明詩擬幽贊錄及文莫堂集子甲字釋之年十九舉於鄉早卒罕字曰有七歲能文方九思被誣流徙甲年方十三爲書數千言歷抵公卿白父冤罕偕之往返千里徒涉不避寒餒天下稱爲雙孝

明史參湖北通志檢存稿

高鼎安陸人正統甲子舉人淹貫羣籍有文學名授南京國子助教遷翰林院檢討學士商輅稱其志行不苟甚重之

安陸志

萬言字伯行安陸人以歲貢授新喻訓導崇正學勵躬行聘主白

志百五十一

人物二十九 文學傳

三

鹿書院學者宗之歷肥城教諭遷乾州學正以母老不赴

安陸志

楊汝榮字仁夫安陸人楊繼芳字伯修應城人二人皆受業於王

守仁深契良知之旨汝榮嘉靖乙酉舉人繼芳嘉靖甲午舉人

安陸志

府志

萬之奇字心常安陸人生有異稟稍長爲文如宿構補諸生攻苦益力盡通經子百家之學尤精於易兩中副榜官長沙教諭薦授國子監學正明於占步著有易象圖說

安陸志

何遷字益之安陸人父勳指揮僉事遷嘉靖辛丑進士授戶部主事改吏部出爲九江知府累擢太常卿巡撫江西轉南京刑部右侍郎遷記問淵博多所超詣喜談性命之學因從甘泉湛若水遊若水初與王守仁其講學後各立宗旨遷大約出入王湛兩家之間亦不專守師說致仕歸益講學不輟性和易近人不設城府所

爲文恥剽竊力趨奧古詩有中唐風格闢書院吉陽山下居之學者稱爲吉陽先生子宇功字度

德安府志

萬中台字次能雲夢人幼孤穎慧善屬文工詞賦萬曆戊午舉人授郴州學正遷楚雄教授升永從知縣撫輯苗民恩惠遠著召爲兵部員外郎著有貢南軒幽邃堂集

雲夢志

華清字廉卿應城人景泰丙子舉人遊南雍與新會陳獻章比舍居獻章甚以文學推之成化壬辰成進士歷官陝西道御史以方直不合謫蘇州府推官自免歸清工辭賦行草入妙品畫入神品著有東軒西山二集

應城志

余裕字順之應城人性方嚴精易學嘉靖初以貢入南雍率子胤緒受學於湛若水之門充養益深授開縣知縣有惠政行取科道不赴告歸卒年九十三子胤緒字思孝幼穎異從湛若水悟爲學

志百五十一

人物二十九 文學傳

罕

宗旨嘉靖丙戌成進士授南戶部主事遷吏部郎中歷通政司參議太僕大理寺卿戶部右侍郎皆在南京告歸講業西河務以躬行爲教著有玉崖集遵古便覽

應城志

陳善變字克化應城人少穎異盡通諸經嘉靖乙酉舉人授柘城知縣免歸築別墅於城西著述自樂著有太平本論元錄春秋屬斷同邑陳輿字子孝歲貢嘉靖中官太平知縣有子孝遺稿輿子邦寶字司善以歲貢授嘉定州同有讀杜軒稿

應城志

陳士元字心叔一字養吾應城人嘉靖甲辰進士授灤州知州有能聲旋以才中忌者棄官去徧遊五嶽所至輒爲記述及歸博考載籍杜門著書垂四十年著有歸雲集一百餘卷他所撰集甚夥士元天資超邁學問淹博明代著述之富自楊升庵朱鬱儀外必推士元其獨造而不苟同則兩家不如也子階字升之歲貢能文

著有日涉編

德安府志

顏木字惟喬應山人正德丁丑進士性嗜書文思精勁居京師與黃岡王廷陳稱楚兩傑授許昌知縣以薦調亳州懲武人石氏恣橫坐中傷免官歸益淬厲於學居馬坪港二十餘年紀述不輟嘉靖十八年巡撫顧璘薦與王廷陳王格同修承天志著有家政七禮解選詩評木學行卓著時人稱其質直似汲黯任真似陶潛沈博似楊雄云

分省人物考

李維楨字本寧京山人父裕福建布政使維楨隆慶戊辰進士授編修萬曆時穆宗實錄成進修撰出爲陝西右參議遷提學副使浮沈外僚幾三十年天啓初以布政使家居年七十餘矣會朝議登用耆舊召爲南京太僕卿旋改太常不就時方修神宗實錄給事中辭大中特疏薦之四年四月太常卿董其昌復薦之乃召爲

志百五十一

人物二十九 文學傳

望

禮部右侍郎甫三月進尙書並在南京維楨緣史事起用乃館中諸臣憚其以前輩壓已不令入館但超遷其官維楨亦以年衰明年正月力乞骸骨去又明年卒於家年八十崇禎時贈太子太保維楨弱冠登朝博聞強識與同館許國齊名館中爲之語日記不得問老許做不得問小李爲人樂易闊達賓客雜進文章宏肆有才氣海內請求無虛日能屈曲以副其所望碑版之文照耀四裔門下士招富商大賈受取金錢代爲請乞亦應之無倦負重名垂

四十年

明史文苑傳

王格字汝化京山人嘉靖丙戌進士改庶吉士與同館華子潛屠文升趙景仁俱有名文體爲之一變時張璁以議禮驟進疾諸翰林不附已請自講讀以下量材外補格出知永新縣尋擢南戶部主事累遷按察僉事分巡河北世宗南巡至衛輝行宮火火自內

起先是奄人索巡撫賂格叱之以是中傷予廷杖罷歸十八年以薦修承天志書成賜銀幣隆慶初起授太僕寺少卿尋乞致仕退居五十餘年著述吟誦至老不輟著有少泉集三十三卷王世貞李維楨爲之序卒年九十四子宗彥字時修嘉靖壬子舉人以父老不赴公車著有遊嵩編松窗餘談盛明風雅等集

京山志

高岱字伯宗京山人嘉靖庚戌進士累官刑部郎中時董傳策張狎吳時來等疏劾嚴嵩嵩欲致之死岱力言於尚書鄭曉得遣成又爲治裝送之出郊嵩大怒會景王之國出爲長史岱善屬文采輯國家大事爲鴻猷錄又著有樵論楚漢餘談弟啓字伯崇嘉靖丙辰進士官兵部郎中有遺藁

一統志明詩綜案詩綜以爲鍾祥人

郝敬字仲輿一字楚望京山人父承健舉人官肅寧知縣敬幼有神童之目任俠負氣嘗殺人繫獄同縣李維楨力援得免由是折

志百五十一

人物二十九 文學傳

聖

節讀書登萬曆己丑進士知縉雲永嘉二縣並有能聲遷戶科給事中益都知縣吳宗堯奏山東稅監陳增貪橫神宗不問敬疏請正增罪巡撫尹應元亦論之神宗切責應元斥宗堯爲民敬再執奏詔奪俸一年增誣訐宗堯贓私詞連青州一府官僚劾引商民皆坐籍沒敬復力爭前後章疏十二上坐謫江陰知縣投劾歸杜門著書凡數十種而九經解尤爲自得窮搜冥索十年始成九解者周易正解尚書辨解毛詩原解春秋直解禮記通解儀禮節解周禮完解論語詳解孟子說解也崇禎十二年卒年八十二子宏範崇禎壬午舉人

湖北通志檢存稿

魯鐸字振之景陵人弘治壬戌會試第一官編修閉門自守不妄交人武宗立使安南卻其餽正德二年遷國子監司業累擢南京祭酒尋改北鐸久掌成均教士切實爲學不專章句士有假歸廢

學者訓飭之悔過乃已久之謝病歸嘉靖初復起爲南京祭酒踰年致仕屢徵不起卒諡文恪鐸以德望聞於時居鄉日有盜掠牛馬或給云魯祭酒物也盜舍之去大學士李東陽生日鐸爲司業與祭酒趙永皆其門人相約以二帕爲壽比檢笥無有徐曰鄉有餽乾魚者盍以此往詢諸庖食過半矣以其餘詣東陽東陽喜爲烹魚畱飲極歡而去

明史
吾學編

鍾惺字伯敬一字退谷景陵人萬曆庚戌進士授行人四十三年典貴州鄉試稍遷工部主事尋改南京禮部進郎中擢福建提學僉事父憂歸卒於家年五十二惺貌寢羸不勝衣爲人嚴冷不喜接俗客由此得謝人事官南都儻秦淮水閣居之讀史恆至丙夜有所見卽筆之名曰史懷自袁弘道矯王李詩之弊倡以清真惺復矯其弊變而爲幽深孤峭與同里譚元春評選唐人之詩爲唐

志百五十一

人物二十九 文學傳

聖

詩歸又評選隋以前詩爲古詩歸時鍾譚之名滿天下謂之竟陵

體海內翕然宗之弟恮快書皆有名時稱三絕

明史袁宏道傳
香祖筆記 隱秀

軒文
集

譚元春字友夏景陵人博學多聞父早逝有弟五人皆嚴督之以學事母以孝稱弱冠與同里鍾惺締交相齊名久未遇天啓丁卯舉鄉試第一主司李明睿素知元春闈中得一卷曰此必友夏也已而果然元春喜遊足跡徧東南好揚人善賴以成名者甚眾弟元聲字遠韻貢生元亮字擬陶崇禎庚午副榜官漢川教諭元禮字服膺崇禎辛未進士授德清知縣遷戶部主事元方字正則天啓甲子舉人授高苑知縣皆以詩文名於時元方累官河南副使乞歸順治初屢徵不起

湖北先
賢錄

邵濟字濟時

一作
時濟

襄陽人性孝友學問淹博天順壬午舉人官廣

州府同知以母老乞歸著有袖珍集一百卷子廷環一作廷瑗進士雍正

周夢暘字啓明南漳人萬曆甲戌進士授工部主事累官河南提學副使有鑑清衡平之譽尋以參議分守徐州迎母不往遂乞歸家居色養十五年恆以著述自娛著有水部起草常談考誤青溪

詩集襄陽府志

柳向陽荆門人從賀泚學講學於象山書院精通洪範太極之蘊爲人方正嚴厲待後學不假顏色人有敗行惟恐柳君知以歲貢任桐城教諭多所成就著有棕川集荆門紀略雍正志

黃點字叔宇荆門人選貢官賀縣知縣縣僻處嶺徼人文固陋點乃設學召士子講習考業弗倦自是始有捷鄉闈者以爲破天荒人爭濯磨奉爲師資天旱跣行請禱應時卽雨民歌頌之點明理

志百五十一

人物二十九 文學傳

器

學通五經嘗設講堂於沙洋之西從學者百餘人因名其山爲夫

子山兄照嘉靖乙酉舉人亦有名荆門紀略

胡永仁字清泉荆門人事繼母曠氏至孝卒廬墓三年甘貧樂道手不釋卷授湖口訓導勤於課士膺薦不赴告歸著有匡山讀書錄易經井觀同邑先後知名者有胡謁聖艾夔羅傳余元吉蕭鳴楚劉延禔謁聖以貢生授羅源知縣廉幹有聲公暇涉獵書史不倦弘通博雅士多稱之夔正德己卯舉人以文學稱傳字次卿嘉靖己丑進士幼慧年十二舉神童未弱冠登第元吉諸生究心象山陽明之學鳴楚亦諸生學宗濂洛延禔字宜綏崇禎庚辰進士官行人讀書好古見明末政亂歸以教授爲業荆門紀略

周法字行甫荆門人生有奇稟讀書十行並下爲文敏速以恩貢

授原武知縣著有修河要紀荆門紀略

雷叔聞字實先江陵人七歲能文里中稱爲神童萬曆戊子舉人授長沙教諭升灌縣知縣以治行調知成都有風力不避權勢敏於聽斷積贖一清胥吏至不敢受一錢遷景東同知告歸築室東郊爲棲隱計嘗曰五言律詩唯子美推律聖其次王孟亦警絕大復昌谷蘇門庭實差堪比肩王孟空同才冠諸公而五律一體氣象枯迫其持論如此叔聞著述甚富有五經屢解史藁雷子小言編綠蘋園詩集又撰集楚中詩爲郢里陽春集行於世

四川通志
湖北詩

歐陽明字孟韜江陵人諸生負氣倜儻與同里雷叔聞夷陵雷思需以詩文相砥礪二人每心折之客死長沙叔聞采其詩入郢里

陽春集

湖北詩佩

袁弘道字中郎公安人父士瑜字七澤講學守姚江門戶著有海

志百五十一

人物二十九 文學傳

聖

蠡編弘道與兄宗道弟中道並負才名時稱三袁宗道字伯修萬曆丙戌會試第一授編修官至右庶子後追錄光宗講官贈禮部右侍郎弘道年十六爲諸生卽結社城南爲之長閒爲詩歌古文有聲里中舉萬曆壬辰進士歸家下帷讀書爲文主妙悟選吳縣知縣聽斷敏決公庭鮮事與士大夫談說詩文以風雅自命已而解官去起授順天教授歷國子助教禮部主事謝病歸復以清望起授吏部驗封主事改文選司尋遷考功員外郎立歲終考察羣吏法言外官三歲一察京官六歲武官五歲此曹安得獨免疏上報可遂爲定制遷稽勳郎中病歸數月卒先是王李之學盛行袁氏兄弟獨心非之宗道在館中與同館黃輝力排其說於唐好白樂天於宋好蘇軾名其齋曰白蘇至弘道益矯以清新輕俊學者多舍王李而從之目爲公安體中道字小修十餘歲作黃山雪二

賦五千餘言長益豪邁從兩兄宦遊京師多交四方名士足跡半天下萬曆丙辰成進士由徽州教授歷國子博士南京禮部主事進吏部郎中卒

明史文苑傳 四庫全書 總目提要 荊州府志

高校字育英公安人性穎異日記數千言弘治戊午舉人公安自校倡為古文辭其後風氣日開至三袁而始盛校以黃鶴樓賦知名

雍正志

劉珠字福井公安人隆慶辛未進士授戶部主事與張居正為布衣交居正當國未嘗暱就詩古文辭直摠胸臆所欲言不以摹擬塗澤為工著有疑菴集

雍正志

韓守益字仲修石首人永樂中以貢生入監授宜都教諭召為監察御史言事謫國子監膳夫守益身親其役三年復為御史復以言事觸仁宗怒命武士以鐵槌擊之幾斃帝尋悔旋與長陽劉子

志百五十一

人物二十九 文學傳

吳

春同改右中允侍列講筵盡心獻納守益博雅善屬文詩尤清健著有樛壽集

明詩綜 湖北詩佩 雍正志

王紘字少儀一字江埜石首人嘉靖己丑進士累官戶科給事中偕同官疏論汪鋹貪污狀上迫公議罷鋹而怒科臣之劾紘免歸

家居二十年屢薦不起著有食硯堂集

湖北詩佩 案詩佩云紘子喬梧喬桂均知名喬梧有海蠡集喬桂有蟬芬軒集紘曾孫啓京有鶴厓集啓茂有拙修堂集啓棠有韓庵集啓芬有啟園集啓遵亦有詩集一門著述之盛累葉不墜世鮮其比

秦維正字兆谷石首人博學家貧充縣掾吏性好吟詠每詩成輒焚其草或於紙尾署他人姓名有詩一卷學使高世泰序而傳之

湖北詩佩

李先芳字伯承一字北山監利人嘉靖丁未進士官至尙寶寺少卿與王宗沐吳維岳等稱詩都下王世貞入其社後世貞標敘所

與遊者以先芳名列廣五子中所著讀詩私記議論和平無區分
門戶之見又著毛詩考正朱彝尊經義考載之

明史王世貞傳
四庫全書總目提

要監
利志

雷思霈字何思夷陵人萬曆辛丑進士授檢討請告歸與公安三

袁相友善詩文亦齊名

嘉慶志

劉戡之字文定夷陵人一儒子有學行以張居正壻引嫌不就試
蔭授郎中奉使陝西出知德州建龍游館以課士一時名流多赴
之袁宏道爲序其詩以傳

宜昌府志

志百五十一

人物二十九 文學傳

七

人物志二十九